



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola III. Gregorii Papae I. Ad Gennadivm Patricivm De Africa. Ruferium
& Anastasium per literas commendat.

urn:nbn:de:hbz:466:1-15221

EPISTOLA III.

GREGORII PAPÆ I.

AD GENNADIVM PATRICIVM DE AFRICA.

Ruferium & Anastasium per literas commendat.

Gregorius Gennadio patricio de Africa.

His qui se apud excellentiam vestram nostris desiderant epistolis commendari, securi de vestra benignitate facimus quod petimus. Ruferius siquidem comes cum aliis conciubus suis a vobis, ut cognouimus, ad Africanam euocati prouinciam, petiuerunt scriptorum nostrorum apices, sperantes sibi apud vos prodeesse suffragia. Quapropter excellentiam vestram paterno salutantes affectu, petimus vt eos in nullo a quoquam patiamini apud vestros animos contra iustitiam prægrauari, sed sicut circa commissos vobis pia discretaque vos nouimus inuigilare cautela, ita & de his tranquille disponere, inspirante vobis Domino debeat, atque de insulae ipsius sollicitius tractare cautela; ne, si illuc exercitus sine persona vtili quæ hunc gubernare valeat incauta dispositione transmittitur, adiumentum hostibus præbeatur. Quia autem Anastasium tribunum, quem illic excellentia vestra ordinauerat, bene secum egisse, atque in nulla lœsione eum asserunt miscuisse se prouinciae, quem etiam nunc & remotum grauiter ferunt, præcipiat excellentia vestra illuc eum iterum destinari, suisque adhortationibus firmari, vt qui de bona aetione iam placuit, nullius ad male agendum suasionibus incitetur, ne tantorum iudicium, quod ex bona administratione habere meruit, deterius perdat, quod non optamus, agendo contraria. Ita ergo petimus, vt vestra excellentia faciat quatenus bonum vestrum quod testatur Africa etiam Corsica cognoscatur.